



## Mam seka M menga n yi lagm-n-taara rãmb lagm-n-taarã, ned ning sën tuma tuumde n lagm bũmb zëng ne maam a tuumdã pugë, m basd-a lame ne a lagm-n-taarã

Yi a Abuu Hurayrat nengë (Wënd yard be a yĩnga) a yeelame: Wënd Tën-tuumã (Wënd puusg la A tũlgr be a yĩnga) yeelame-: «Wënd yeelame A naam zëkame: Mam seka M menga n yi lagm-n-taara rãmb lagm-n-taarã, ned ning sën tuma tuumde n lagm bũmb zëng ne maam a tuumdã pugë, m basd-a lame ne a lagm-n-taarã».

[Naşun Şahuħun (Gom-sikdem sën manege)] [A Muslim n togs-a]

Nabiyaama (Wënd puusg la A tũlgr be a yĩnga) kōta kibare ti Wēnde, A naam yi wagell n zēke: Yē n yud lagm-n-taasã ne sek-m-menga n yi lagm-n-taarã, bala Yē la sek-m-meng Soaba n yi bũmbã fãa, la ninsaal sã n tum tuumde sën yaa tũudum n maan-a ti yaa Wënd yĩnga la zëng sën pa Wēnde; Wënd basd-a lame, n pa reeg-a ye, n lebs a soaba a tuuma; Rënd yaa tũlae ti b yũlg tuumdã Wënd A yembr yĩnga, bala Wēnde A naam yũlgame, A pa reegd sã n pa sën yaa yũleng ti yaa A yĩng bala.

<https://sunnah.global/hadeeth/mos/show/3342>

